

## A Bolotana

Sos bantos chi Foricu t'hat tessidu  
in cussos tempos los meritaìas,  
ca tando donzi bene produias  
da "Inza 'e Pranu" a su Tirsanu lidu.

Sas fabbricas a pustis t'han battidu  
pro t'imbruttare cantu 'e bellu haias;  
ma forsis tando tue non creias  
ch' in pagu tempus aerèn fallidu.

In su mentres su logu abandonadu,  
s'est tuppadu de donzi carravore,  
mudande cara a totu su terrinu.

Sos campos no han bidu prus s'aradu,  
incunzadu non b'has pius laore,  
asprinarzu est torradu su giardinu.-

Macumere, su 26/07/2014

## A s'amigu Peppe Concas

Po primu ti ringrazio ca dadu  
has' a s'iscrittu meu una risposta,  
mancari no nd'haère domandadu.

In terzinas dantescas l'has cumposta,  
una cun s'àttera a pare ligadas,  
comente una catena a maglia tosta.

Ca non si devet ligare in debbadas:  
su ch'enit presu non si devet fùere  
che tzertos reos peri sas istradas.

Ja chi suzetos lu semus a rùere,  
est giustu sos errores de pagare  
prima 'e nde poder atteros prodùere.

Ma totus hamos sempre ite imparàre,  
comente tue giaru nadu rn'hasa,  
in s'iscola e sa vida a donzi andare.

Ca in s'ischire est chi si ponet basa,  
pro dare unu consizu o unu pàrrere  
o pro buscare su pane 'e su crasa.

Cando invittadu ti pones a nàrrere,  
s'ispiegas a fundu ogni cunzettu,  
tando cun totus ja podes cumpàrrere.

Mira chi no est tottu s'oro nettu,  
narat su dicciu da lontana edade,  
c'a bortas fin'in s'oro b'hat difettu.

Si b'addurat in mesu impuridade,  
pro chi de pesu lu siet pretzisu,  
tando difettat in sa calidade.

O puru 'e una Venus su sorrisu.  
ti podet incantare a prima vista,  
poi t'abitzas ch'est de fele intrisu,

No est chi ti nde cherza fagher lista  
de tottu su chi s'idet de fingidu:  
ma tantos 'intran a ballare in pista

senz haer mancu s'invittu retzidu.  
Pro cussu como pagu mi nde curo,  
ca tantas in sa vida si nd'hat bidu

chi finas fattos nodidos trascuru

prite a bortas sa mente non si prèstada  
cando problemas graes li procuro

e telas de importu no nde sètada.  
No mi che pighes pro cussu a sa nue  
ca tando in su Parnasu si protètada,

ca deo poeteddu so che tue,  
chi si dilettat, cando cosa l'enit,  
a lu ponner in versos fue fue.

Pro che passare sora ja cumbenit,  
ca tantu no nde causat ispesa,  
ma de incassos, pagos si nd'ottenit.

De primeggiare rio nd'hapo pretesa,  
ca tenzo finas lena sa funtana,  
ch'in tempos de siccagna non dat resa.

Ma non mi leo pro cussu mattana,  
bastet chi bi nde sumat un'azigu  
pro nde buffare, cando m'enit gana,

paris cun calchi caru e bonu amigu.

Macumere, su 12-09-2007

## **A Unu Amigu Poeta (Peppe Concas)**

Macumere, 02/05/2007

1° Premio - sezione poesia e canto "Antonio Cubeddu" - Premio Ozieri 2009

(Trintasette retrogradu, fioridu in trinetta e tentu a maglia a puntu in mesu)

Ca ses amante de sa poesia,  
ti mando amigu caru unu fiore,  
brotadu torra a non in su padente.

Prima si diletta meda zente,  
si faghiat a prou rima e metru  
e s'iscetru otteniat cun moneda;  
prima si diletta zente meda,  
si faghiat aprou metru e rima,  
meda zente si diletta prima,  
aprou metru e rima si faghiat,  
meda zente a sa prima diletta,  
metru e rima si faghiat a prou.

Ca ses amante de sa poesia,  
Ti mando amigu caru unu fiore,  
brotadu in su padente torra a nou.

Poi postu l'haian in costou,  
Pidian che bobboi a corra fora,  
che colora istrisciande in logu tostu;  
l'haian in costou poi postu,  
che bobboi a corra fora lu idian,  
poi postu in costou che l'haian,  
corra a fora lu idian che bobboi,  
in costou l'haian postu poi,  
l'idian che bobboi fora e corra.

Ca ses amante de sa poesia,  
ti mando amigu cani unu fiore,  
brotadu in su padente a nou torra.

Mente frisca deghiat sena forra,  
fluente da sa vena in more 'onu,  
pro torrare padronu 'e su ch'haiat;  
mente frisca sena forra degniate,  
in more 'onu fluente da sa vena,  
mente frisca deghiat forra sena,  
da sa vena in bonu more fluente,  
deghiat sena forra frisca mente,  
fluente da sa vena in bonu more.

Cases amante de sa poesia,

brotadu torra a nou in su padente  
ti mando amigu caru unu fiore.

Profumat pagu ma tenet valore,  
cuntenet giaru unu vagu podere,  
che mere 'e palcu sa candela allumat,  
tenet valore ma pagu profumat,  
cuntenet giaru unu podere vagu,  
tenet valore ma profumat pagu,  
podere vagu ma giaru cuntenet,  
profumat pagu ma valore tenet,  
cuntenet vagu unu podere giaru.

Ca ses amante de sa poesia,  
brotadu torra a nou in su padente,  
ti mando unu fiore amigu caru.

Ispero nessi ti diat amparu,  
assunessi su sero azigu 'e pasu  
e su Parnasu da s'altu ti riat;  
ispero nessi ch'amparu ti diat,  
azigu 'e pasu su sero assunessi,  
chi ti diat amparu ispero nessi,  
azigu 'e pasu assunessi su sero,  
chi ti diat amparu nessi ispero,  
assunessi su sero 'e pasu azigu.

Ca ses amante de sa poesia,  
brotadu torra a nou in su padente,  
ti mando unu fiore caru amigu.

Bisare logos de su mundu antigu,  
girare in tundu che tando in su ballu  
e sena fallu finire sos giogos;  
de su mundu antigu bisare logos,  
che tando girare in su ballu tundu,  
bisare logos de s'antigu mundu,  
che tando in tundu in su ballu girare,  
de su mundu antigu logos bisare,  
girare in tundu in su ballu che tando.

Ca ses amante de sa poesia,  
brotadu torra a nou in su padente  
amigu caru unu fiore mando.

No isco deo como a u'est ch'ando,  
peleo in mesu via - dromo pagu,  
agato sempre istragu e no arrisco;  
au'est ch'ando como 'eo no isco,  
peleo in mesu via - pagu dromo,  
no isco au'est ch'ando deo como,  
dromo pagu e in mesu 'ia peleo,

au'est chando como no isco 'eo,  
dromo pagu e peleo in mesu via.

Brotadu torra a non in su padente,  
ti mando amigu caru unu fiore  
ca ses amante de sa poesia.

Sa vena tua adduret pura e bia,  
e curet sa costante arsura interna,  
chi sa moderna non leet sa fua:  
pura adduret sa'ia vena tua  
e curet sa costante interna arsura,  
sa vena tua adduret bia e pura  
e sa costante arsura interna curet,  
pura e bia sa vena tua adduret  
e curet s'arsur' interna costante.

Brotadu torra a nou in su padente  
ti mando amigu caru unu fiore  
ca de sa poesia ses amante.

Ama su giustu e fue su birbante,  
tue ca crees in sa Mama de Deu,  
mai agates neu ne disgustu,  
fue su birbante e ama su giustu,  
tue ca crees de Deus in sa Mama,  
fue su birbante e i su giustu ama,  
ch'in sa Mama de Deus crees tue,  
ama su giustu e su birbante fue,  
ca de Deu in sa Mama tue crese.

Brotadu torra a nou in su padente  
ti mando amigu caru unu fiore  
ca de sa poesia amante sese.

Mattanas como invanu non ti lese,  
sas suttanas da domo in fora lassa  
e cun sa tassa brinda a s'anzianu;  
non ti nde les mattanas como invano,  
sas suttanas che lassa fora 'e domo,  
mattanas non ti les invanu como,  
da domo lassa in fora sas suttanas,  
invanu como non ti les mattanas,  
sas suttanas che lassa 'e domo in fora  
e godidi tramontu e aurora.

## **Cantu podet sa paraula**

Segnalazione al Premio Logudoro 2007

Pro chi non siet sa 'oghe potente,  
cando iscanzat de laras un' omìne,  
no che nde l'essit da 'ucca 'e macchine  
ca su 'e narrer pesat prima in mente.

E si l'ispendet tando una peràula.  
Pro tota vida in coro la mantenet,  
ca s'est omìne chi a s'onore tenet.  
sa pena affrontat ma non narat fàula.

A daghi unu s'agatat indetzisu,  
e no ischit sa via 'e si leare,  
sa peraula giusta podet dare,  
a 'cussu tale, s'indicu pretzisu.

Capitat puru de s'innamorare  
a prima vista 'e sa candida dea,  
poi de bottu 'e cambiare 'idea,  
appenas chi l'intendet faeddare.

Non la podet discuter su sordadu,  
prite a s'ordine devet ubbidire,  
bi lu faghen da su cominzu ischire  
chi su ch'isgarrat benit cundennadu.

Cand' in Corte si devet giudicare,  
de peraulas giustas b'hat bisonzu,  
ma prima zurat donzi testimonzu  
chi solu 'e veridade hat a trattare.

E cando totu bene los relàtana,  
sos zuighes sa causa risòlvene,  
s'est innossente sa persona assòlvene,  
s'invec' est rea sa pena l'adàtana.

Cando a su malu su 'frimmu" l'intimat,  
su carabinieri in sa rocca appostadu,  
o in s'istrada a s'indisciplinadu,  
a mala gana dognunu si frimat.

Sa peraula 'e Cristos est bastada  
pro cunvertire unu muntone 'e zente  
e sa 'e Maometto in oriente  
hat dadu sa matessi resurtada.

## **Pro sos vint'annos de attividade de s'Avis de Bolotana**

Battor lustros che sun' bell'e colados  
da cando in bidde s'Avis han fundadu,  
dande avvìu a su volotariadu  
pro dare amparu a sos isfortunados,

chi a travasos de samben cundennados  
han' solu ispera in su ch'ènit donadu.  
E si semiza "saccas" nd'han versadu,  
meritan totus chi 'enzan premiados,

dae su presidente fundadore  
a su chi nd'hat donadu un'orta ebbia,  
ca fattu finas cussu s'hat onore.

Prit'est un' attu 'e vera balentia:  
dare su samben sou cun amore  
pro curare s'anzena maladia.

E deo, cun cust'umile faina,  
ca menzus cosa non bos poto dare,  
bos scherzo totugantos abbratzare  
nendebos de sighire in cussa ormina.

## **Sa fide**

Menzione d'onore al Premio Biennale di Poesia in Lingua Sarda "A pes de Santu Padre" - Bortigali 2011

Si cres tue in calchi cosa,  
lèadi sa fide in manos  
ca b'agatas sa salvesa.  
Est che boghe armoniosa  
chi s'isparghet sos manzanos  
d'innossente cuntentesa.

Est peràula minore  
ma est mannu su misteru  
si l'inserras in su coro.  
No hat forma ne colore  
ma ch'importat est abberu  
ca de s'intimu est tesoro.

L'has a bider che miràculu  
s'ispuntare 'e s'aurora  
chi t'illuminat sa via.  
Si supèrat dogni ostàculu  
cando in tegus hat dimora  
pro ti fagher cumpagnia.

Sias fora o intro 'e domo  
non ses mai timorosu  
cando tenes fide manna.  
Deo in giaru la fentomo  
ca su male non dat gosu  
ma non times sa cundanna.

E nd'has haer meda azudu  
si ti faghet achistare  
bellos bicculos de vida.  
Ca mancarì t'istes mudu  
t'has a bider ispuntare  
semp'r un' istella a guida.

Deo lu cheria narrer  
in totue a boghe isparta  
cant'est bellu su vivere.  
Pro chi a bortas potat parrer  
chi sa post' in giogu est arta  
mentres est pagu s'ischire.

Bastat de tenner presente  
su ch'hat Cristos cumandadu  
pro leare su seguru.  
Su caminu est trasparente  
cun istellas est tracciadu  
non s'addurat a s'iscuru.

## S' Alvure Tuvu

Fit naschidu in campagna che puzone,  
omente bi nd'hat tantos in su saltu,  
cun tempus pigadu ch'est in altu  
diventande robustu unu prantone.

Salvadu da sa chea 'e su calvone,  
cun sas naes in tundu s'est ispaltu,  
e tando, forte, respintu hat s'assaltu  
de istrales, pinnaccos e serrone.

Ma ca fit da sa sorte destinadu,  
cando in su littu fit prosperu e bellu,  
dae s'altu, unu raju l'hat faladu  
e siccadu l'hat intro su budellu.

Su coro duru a esca s'est faladu  
e bessidu ch'est sutta in s'isportellu.  
Dae tando in s'intragna hat ospitadu  
de su monte calchi essere ribellu.

E de siddadu puru nan ch'hat fattu  
po malos, da sa legge persighidos,  
prima da cherta de benner sighidos  
cuadu b'han su fruttu 'e su ricattu.

C'ando nd'est ruttu, fattu han disacattu  
poberos cristos, de linna famidos,  
ca solu tando si sunu attrividos  
de l'addobbare dae donzi latu.

Su truncu intreu a biddu nd'han battidu  
e l'hana in sa piatta postu fogu,  
pro dare a Sant'Antoni disaugu  
ca cun issu su male hat cumbattidu.

Forsis solu pro cussu fu naschidu:  
Rispostu no b'hat mai a s'interrogu.  
Deo de certu no lu leo a giogu,  
lu conto solu comente l'hap'idu.

## S' Alvure Tuvu

Fit naschidu in campagna che puzone,  
omente bi nd'hat tantos in su saltu,  
cun tempus pigadu ch'est in altu  
diventande robustu unu prantone.

Salvadu da sa chea 'e su calvone,  
cun sas naes in tundu s'est ispaltu,  
e tando, forte, respintu hat s'assaltu  
de istrales, pinnaccos e serrone.

Ma ca fit da sa sorte destinadu,  
cando in su littu fit prosperu e bellu,  
dae s'altu, unu raju l'hat faladu  
e siccadu l'hat intro su budellu.

Su coro duru a esca s'est faladu  
e bessidu ch'est sutta in s'isportellu.  
Dae tando in s'intragna hat ospitadu  
de su monte calchi essere ribellu.

E de siddadu puru nan ch'hat fattu  
po malos, da sa legge persighidos,  
prima da cherta de benner sighidos  
cuadu b'han su fruttu 'e su ricattu.

C'ando nd'est ruttu, fattu han disacattu  
poberos cristos, de linna famidos,  
ca solu tando si sunu attrividos  
de l'addobbare dae donzi latu.

Su truncu intreu a biddu nd'han battidu  
e l'hana in sa piatta postu fogu,  
pro dare a Sant'Antoni disaugu  
ca cun issu su male hat cumbattidu.

Forsis solu pro cussu fu naschidu:  
Rispostu no b'hat mai a s'interrogu.  
Deo de certu no lu leo a giogu,  
lu conto solu comente l'hap'idu.

## **S'isveglia 'e tiu Bakis**

Manzione d'onore al Premio di Poesia Sant'Antoni de su o'u di Mamoiada 2007

De s'isveglia ch'haiat tentu in sorte,  
tiu Bakis nde fit meda cuntentu,  
ca fit bona e pretzisa, unu portentu  
soliat narrer, cun accentu forte.

Una die però si fit frimmada  
e bi fit adduradu troppu male,  
prite fit una cosa inusuale,  
essende a dogni proa abituada.

Sa fritza car'a terra fit puntata,  
non daiat de vida unu segnale:  
eppuru fit de marca, originale,  
tenta in contu e bene appretziada.

Chircadu haiat tando 'e l'aggiustare,  
prite ancora bisonzu nde teniat,  
però sa fritza in pè non b'istaiat,  
lena a sas sese soliat torrare.

Su reiojarzu, chj li fit amigu.  
bi l'haiat da poi ispiegadu,  
chi s'ngnanaggiu si fit ispanadu  
e retzer non podiat mancu azzu.

Tando pensadu b'haiat afundu,  
e tenta non l'haiat prus in contu,  
ca issu puru car'a su tramontu  
andande si che fit che cosa 'e mundu.

In pensamentu sò como 'eo puru,  
ca sa chi hap'in cunsigna e tenz'istima,  
non funzionat prus comente a prima:  
ma non cherzo chi ruat in s'incuru.

L'hapo a trattare cun delicadesa,  
bastet chi mi nd'ischidet su manzanu,  
si nd'abbisonzat sa fritza cun manu  
l'hap'aggiustare, si non tenet presa.

S'ispera est chi mi duret in betzesa  
mancari chi non sonet fittianu:  
bastet chi cantet che cucu in beranu  
pro la congruer sa vida in bellesa.

Si non s'avveran sos disizos mios,  
comente hat fattu Bakis fatto deo:  
s'isveglia che la ponzo in su museo  
prima 'e dare a su mundu sos adios.

## Sa notte in su padente

Menzione sezione A Poesia in Rima - Al 26° Concorso di Poesia in Lingua sarda  
"Sant'Antoni de su o'u" - Mamoiada, 22 gennaio 2017

Cando falat sa notte in su padente,  
bessint a runda sos ch'aman s'iscuru,  
prite dognunu 'e cussos prus seguru  
s'intendet, cando dròmmida est sa tzente.

Da sa malesa nd'essit su sirbone,  
inue haiat fattu corcadorza  
pro iscansare fusile e resorza,  
e si chircat tranchillu su bucone.

Non drommit su denotte su mazzone,  
ca da ch'e manigare l'enit gana,  
si nd'essit cun lestresa da sa tana  
e si che furat finas calchi anzone.

Mancu s'assile s'addurat drommidu  
ca devet isse puru manigare,  
e si ch'andat in giru a puzonare  
semper attentu, prit'est attrividu.

S'annaemele non bistat a coa,  
sos sorighes la timen che sa frea,  
ca los chircat in giru a notte intrea:  
pius nde cassat e prus faghet proa.

S'eritu ch'esit fora a passu lentu,  
non tenet de s'assile sa lestresa,  
sas ispinas li servint de difesa,  
de su chi buscat addurat cuntentu.

Su cane 'e serra isperdidu creiant  
in logos nostros sos naturalistas,  
a da poi, battinde certas pistas,  
torradu a bier su notte l'haiant.  
Non be-i mancant sos 'attos arestes,  
cussos puru su notte andant a catza,  
de sos masedos tenent pius atza  
pro chi diversas non siant sas bestes.

Pro dare a cussos esseres consolu,  
da chi sa notte est pasida e serena,  
be-i pensat sa dulce filumena  
cantande unipare cun su rusignolu.